

境出洞玄寶經下代教化為三界醫主太上  
真尊經八萬八千八百八十億萬歲赤明開  
運吾號梵形又號觀世音化在太清境出洞  
神仙經下代教化為十方導師至極天尊經  
七萬七千七百七十億萬歲開皇改號吾號  
虛皇化在元陽宮中數明三洞下化人間稱  
太上道君經六萬六千六百六十億萬歲速  
至上皇吾號元始化在紫微宮中廣布經戒  
使仙真上聖妙行真人飛天神王無量數眾  
各化人間開度一切如此輪轉亦無窮也從  
劫到劫從天至天隨時變見真應化身因世  
立號改易形名千殊萬異止是吾身或假設  
師資以相開悟或權先後教導人天今指以  
此經付汝施行天上天下十方三界使諸男  
女普見法音矣普濟曰今奉天尊教命開度  
天人願藉神力宣告諸天普使聞知太上彈  
指告眾真人曰天上天下三界十方一切神  
靈仙真眾聖等吾今以此經付與普濟汝等  
宜各弘焉於是諸天聖眾各莊嚴寶座建節  
持幢燒香散華鸞輿鳳蓋千乘萬騎浮空步

虛一時稽首三聲稱善奉迎此經各還本所  
處虛莊嚴百千萬億七寶之座晝夜講說敷  
歌靈音燒萬合靈香散百種寶華奏萬天伎  
樂燃萬景神燈供養法具飲食名珍各百千  
萬億圍繞左右不可稱量即以黃玉為簡紫  
金書之藏諸洞府龍宮雲房鳳匣題曰  
太上業報因緣經矣

太上洞玄靈寶業報因緣經卷之十

正一天師清微弟子百堅製  
道教學術資訊網站

太上洞玄靈寶十號功德因緣妙經 字  
太上大道君與五老上帝無極飛天大聖無  
上高真十極真人左玄真人右玄真人妙行  
真人普濟真人施命真人濟厄真人救苦真  
人大慈大悲真人大慈大悲真人正一帝君  
諸大天師金剛神王力士天龍鬼神等於葉  
賢世界以神通力忽變無數紅玉牀座光明  
晶皎諸真聖眾而列其上  
爾時道君乃登七寶獅子之座其座以雜寶  
瑠璃真珠火珠明珠碼碼珊瑚琥珀紅玉  
白玉碧玉綠玉黃玉玻璃黃金紫金青火金  
香檀木嚴飾其上於此座上自然生百寶蓮  
花百千層葉一一蓮葉之上現出十方淨土  
悉皆具足會中有大七寶叢林細葉交密香  
氣郁結廣高莫測風動和雅有微妙音其間  
自然飛化種種天樂不鼓自鳴是時道君即  
於蓮臺之上正箕而坐放身中五色光明照  
耀無邊天界空中聖眾步虛旋遊歌詠讚嘆  
即時天雨香花大妙真花小妙真花紅金焰  
花紫金焰花鳳頭火花郁靛火花妙服珍果

白鶴鳳凰喜祥鸚鵡青鸞孔雀大善金鳥光明金鳥念道金鳥人言金鳥樂音金鳥悉街異花飛翔會上即有十方神仙飛仙天仙地水仙火仙五嶽諸仙及諸大小洞天一切大仙各持符執節播蓋寶幢歌詠讚嘆吟和靈章奏大妙樂供養

道君即時大地振動會中相視奇異莫測有一真人名曰普濟於衆中出整理衣巾安詳雅步到

道君前稽首頓顙上白道君曰賤臣愚昧不測道君修何道果證是神通自在與

元始天尊無異伏願哀念賤臣及未來世衆生及愍後學道士演說斯理令悟甚深法要登无上帝獲難思果賤臣幸也

道君聞普濟語歎言善哉善哉汝有宿本大智能爲未來濁劫衆生抑揚妙法汝可存念爲汝說此因果我於無數劫來念本師

元始天尊十號功德讚嘆吟詠鑄寫圖飾想念元始天尊禮拜供養恭敬千萬珠金捨施無

慳惜心至於今日無一念怠慢而成此功德普濟復白道君未審

元始大聖天尊十號賤臣及與會衆得而聞不臣願與諸真仙衆讚歎歌詠言訖叩頭稽顙悲涕仰視道君一座大衆皆自默念仰望

具容而希宣說

道君開顏微笑告普濟曰汝可精思一聞得證无上帝果道君復告普濟曰我本師大聖

元始天尊虛无自然妙道化身從不可名言塵沙劫來濟度一切衆生入无上帝具七十

二相八十一好十號圓滿或現千光相或現無邊相或現大身相或現小身相或變身入

黍米之中或開毛孔納無邊世界或掌三千大千世界或兩甘露灑熱惱衆生或作帝王

制伏暴亂或爲賢佐匡平有道或有聖君爰降爲師有如是功德神通妙相莫能窮嘆而

有十號讚揚總名是故十號者无上帝元始太極高皇光明玉帝正法王大慈父仙真師天尊普濟復告道君言賤臣雖聞十號功德未審有何解說公我及諸大衆乃至未來濁

劫衆生今得了悟至真法要伏願愍念賤臣告請一一宣揚十號微妙功德行相之法賤臣幸也

道君復告普濟曰所言十號者是諸真聖衆天人與天真皇人開赤明和陽天中白玉殿內百寶之匣鳳錦之笈譯大梵隱言而爲正音所言无上帝者乃是

元始天尊道果成時於諸衆法無祖無宗無根無係而一相俄立乃萬法依憑爲萬法王爲萬相之祖爲一氣始虛无不測溟泮何知

居於萬衆之先故名无上帝所言元始者居至道源作竊真本故曰元始太極者從無數劫來判判之際報身乃現於是始青天中而

現化身故名太極高皇之號者尊居無頂天中逍遙大羅之上名无上帝之上超有象之先是故號曰高皇所云光明者是謂法性真體

瑩若瑠璃易功德光照昏闇處銷衆生障破煩惱山故號光明也

玉帝者位居玉闕之中尊極萬天之帝凝然真性妙相具足巍巍蕩蕩出衆真之中四星

拱月故稱玉帝所言正法王者演說正法破邪異宗開無為道滅一切苦明無邊法門印可三天經錄降伏魔邪除諸小見令人入大乘之道如大醫王法藥治苦若春雷震發動萌芽滋長舍生如灑甘露雨沃潤眾根性故號正法王大慈父者從無量無邊劫不可測微塵沙劫出現大聖身濟度羣生脫生死羅入正真道或於惡趣拯救罪苦眾生過於赤子

是名大慈父所言仙真師者道君告普濟言我與汝及無邊無量劫來天尊大聖諸真大仙昇無上道果一切天尊諸真聖衆天王天帝玉帝大帝三華帝五帝大魔名山洞府虛空水陸一切舍生已得果今得果及未得果者皆是我本師元始天尊現虛无法身自然報身元始化身以真諦法種種引導說三十六部尊經或於林泉名山大嶽或於大洞天小洞天或在三十六天之中或在三十二帝宮內或在三清六羅及無邊界或諸異域及一切舍生類聚之處有形有相如是種種隨根察其言語變現化引未開

度者誓與開度未得道者誓令得道未安樂者誓使安樂未解脫者誓化解脫未昇玄者誓引昇玄以此弘誓開導一切演說三洞要術大藏妙文天書玉字金寶秘篇皆悉具足傳授諸法雖復無邊我總括流通十二事部

類分別隨根不同今一切眾生各歸一趣待悟正法一者本文二者神符三者寶訣四者靈圖五者譜籙六者戒律七者威儀八者方法九者術數十者記傳十一者讚誦十二者章表具足是智慧開如是法門導化接引濁劫眾生視如諸子諸子而自不曉悟雖布大慈如是設悲念之網眾生戀於聲色種種纏愛而遊遷三界不歸正道唯執邪見而遇天尊化誘至真之法皆以開悟而從劫已來救苦無倦故號仙真師普濟白言

道君未審十二部事妙理法要有何相化如大法兩隨器充滿變動眾生根性賤臣未曉微妙之理乞為解說一一悟解賤臣幸也道君告普濟曰第一本文者天書八會鳳篆龍章是為天地萬物之本開化人神成立諸

法主召九天神仙上帝較定圖籙調政璇璣攝制鄴都降魔伏鬼勅命水帝召龍止雲天地劫期聖真名諱所治臺城眾聖境界廣宣分別種種皆差服御元精化形之法皆演玄妙明了具足第二神符者靈篆之文神真之

信召攝眾魔威制神鬼總氣御運保命留年第三寶訣者天真上聖述釋天書八會之字以為正音開視大道第四靈圖者眾聖化跡應現無方圖寫變通令物悟解第五譜籙者眾聖記述仙真名諱宗本胃胤神官位緒第六戒律者條制勅防非檢過詮量罪福分別輕重第七威儀者具視齋戒進退揖模俯仰節度軌式容止第八方法者眾聖著述丹藥秘要神草靈芝柔金玉修養之道第九術數者明辨思神存真念道心齋虛忘遊空

飛步餐吸六氣道引三光鍊質化形仙度之法第十傳記者是眾聖載述學業得道成真通玄八妙修因方所證果時節第十一讚頌者眾真大聖巧飾法言稱揚正道令物信樂發起回向生尊重心第十二章表者師資授

受妙寶奇文三元八節登壇告盟啓誓傳度  
悔謝請福關告之辭此十二事部總彰正道  
一切意趣無不周備化引三乘證无上道我  
大聖本師號天尊者常處三清之上超衆聖  
道界顯世地卑獨居天爲最尊故號天尊此  
是

元始天尊十號功德法門妙趣

道君復告普濟曰若有未來濁劫衆生得聞  
我本師大聖

元始天尊十號因緣功德更能圖鑄形像歌  
詠讚嘆禮拜恭敬演說是法此人九祖生天  
宿業消滅身得長生不死之道家門安泰子  
孫昌熾世世遇道不遭厄橫若有人書修此  
經功德無量說是十號功德已於是在會大  
衆皆得昇進仙階超拔聖位悉悟无上正真  
道果普濟真人證天中尊號曰尋聲救苦天  
尊具八十一好七十二相十號滿足光明瑩  
徹空中讚言普濟有如是告請功德不可思  
議難測智慧當於來世與一切衆生爲道師  
中王爲大法眼與道君神通何異於是一切

來者衆生聞是法要離生死苦悟正真道於  
是普濟承

道君神力欲昇三天而作頌曰

道君大慈悲 金口演真裁 十號今得聞  
令我證真道 稽首無爲師 千光具足相

太上洞玄靈寶十號功德因緣妙經

正一天師清微弟子洪 製作  
道教學術資源網

太上洞玄靈寶宿命因緣明經

字二

爾時太上道君宴景太霞之上喻諸侍真曰  
天地之大德曰元道天地之寶德曰始道天  
地之係德曰人道三道合德寶化隱存虛无  
之元皇化之先女媧蛇軀伏羲麟身陰陽混  
沌造化未分三聖相禪五帝造端道成德就  
吉凶部分光化敷流漸生因緣善惡之符變  
動已然太古淳朴風教易因中古漸傷害賊  
滔天表信不行違道本源禹德治明監水之  
勳爲舜所舉治勞山川開通四瀆濟度萬民  
生受禪遜致治鍾山太陰宮主明監水官天  
授寶符過瀾乃全三寶之法於斯昇化善哉  
善哉道乃宣焉  
道君曰吾道高妙幽顯易通隨善而化降致  
寶文後世轉惡篤無信言相與流滯深誤于  
孫死遺三徒五苦痛忍難言每深念之善惡  
當分善德不修橫罹罪怨子勤修齋永求得  
脫身度諸災長保歡欣得順教化降泰可言  
道君曰吾憂念將來生死罪福宿命所纏積  
善乃慶福報自然有道之精得之亦仙度也